

資州直隸州志卷十二

官師志

政績

資州

蜀漢李嚴三國志本傳字正方南陽人拜犍為太守建安二十三年盜賊馬秦高勝等起事於郫合聚部伍數萬人到資中縣時先主在漢中嚴不更發兵但率將郡士五千人討之斬秦勝首枝黨星散悉復民籍後周陸騰代人北史保定二年資州盤石人反殺郡守

資州直隸州志

卷十二

官師志

資州

政績

一

據險自守州軍不能制總管陸騰率軍討擊破斬之而蠻子復反所在蠡起山路險阻難得掩襲遂量山川形勢隨便開道蠻獠畏威承風請服所開之路多得古銘並是諸葛亮桓溫舊道云

隋衛文昇隋書本傳洛陽人周武帝親總萬機拜益州總管長史賜以萬釘寶帶高祖仁壽初山獠作亂出為資州刺史以鎮撫之既到官時獠攻圍大牢鎮文昇單騎造其營謂羣獠曰我是刺史銜天子詔安養汝等勿驚懼也諸賊莫敢動於是說以利害渠帥感



悅解兵而去前後歸附者千餘口高祖大悅賜縑二千匹除遂州總管崇祀名宦祠

宋葛宮宋史本傳江陰人知南充縣東川饑民艱食部使者檄守資昌兩州以惠政聞

師頽內黃人宋史本傳太平興國中知資州以簡靜為治蜀人便之

尹仲宣歐陽文忠公全集河南人咸平三年中第知資州有政績後知郢州卒許州進士朱生遊資州資人家能道其遺事及聞尹喪皆巷哭其吏與民各以

資州直隸州志 卷十二 官師志 資州 政績二

其類之浮屠發哀受弔朱生得仲宣善政十餘事為作遺愛錄以遺資人

范祖禹字淳夫通志治平中任資州龍水令寬簡愛民尤以興學校為首務崇祀名宦祠

張伸通志字子逮唐安人任資州刺史約已愛民振興文學治稱第一崇祀名宦祠

李景孚通志熙寧間任資州太守民輸免役錢四十萬蠲和糴米六十斛增養土之田瘞久暴之骨申放生之令人皆歌誦崇祀名宦祠

孫道夫宋史本傳字太冲眉州人高宗時知資州宣撫
鄭剛中薦其治行第一移知蜀州盜不敢入境遇事
明了人目爲水晶燈籠後知綿州有頌聲崇祀名宦
祠

楊師錫宋史本傳紹興中知資州時置力耕田募民就
耕以廣官莊師錫言有司奉行失當田畝不分腴瘠
市民丈尺隙地亦充稅產於是降詔害民者與追正
宇文紹奕名勝志爲資守建博雅堂摹刻漢石經及他
碑凡五十四卷

資州直隸州志

卷十二

官師志

資州

政績

三

何者仲通志任資州刺史愷悌廉慎政事和平崇祀名
宦祠

盧法名勝志任資縣令建惠遠堂摹禮殿人物圖繪堂
中訓諸士

傅耆字伯成遂寧人元符任盤石令蒞任時嘗延周濂
溪講易耆著姤卦同人卦說濂溪均爲改訂耆歿易
稿無復存者朱晦菴先生嘗令門人度正訪其子孫
求遺文卒不可得

姚仲孫字茂宗商水人宋史本傳擢進士第調刑州推

官徙資州轉運使檄仲孫詣富順監按疑獄全活數十人資州更二守皆昏老事多決于仲孫

姚希得宋史本傳字逢原潼川人嘉定十六年進士調盤石令會蜀有兵難軍需調度不擾而集

劉永理宗本紀淳祐五年十一月詔元兵入蜀權資州劉永死于守贈轉三官仍官一子

元劉起昌知資州勸導有方農勤於耕士興於學後遂家於資崇祀名宦祠

明陳鑾湖廣人正德間知資縣純心愛民會流賊渡江資州直隸州志

卷十二

官師志

資州

政績四

將臨城鑾率衆禦敵破之城東崇祀名宦祠

張仲崇慶人字子建資縣教職興學校與諸生講解有鄒魯風士民立生祠祀之

丁裕正德二年知資縣勤於民事補修城垣

嚴傑正德十年知資縣振興風化培修城垣

施一中嘉靖二十四年知資縣補修城垣

吳宗堯嘉靖三十二年知資縣廉明公慎增修城垣

沈希聖雲南歲貢任資縣令時獻賊入寇城陷賊執之索印希聖曰印受之朝廷不可得也賊百計脅之卒

不與乃解赴成都竟不降賊怒劓於市罵不絕口舉家殉難崇祀名宦祠

國朝劉振基直隸鹽山縣戊戌進士任資縣令時鼎革之初郡邑凋殘公招撫流徙以愛民養士爲務康熙九年遷南城兵馬司士民謳思德政去之日咸涕泣送之

張沐河南上蔡縣戊戌進士以道學自任康熙九年任資縣令振興學校聽斷甫暇卽集諸生講程朱正學會進征吳逆軍務殉午夫馬繁劇公極力代民請命

資州直隸州志

卷十二

官師志

資州

以續

五

東路咸倚賴之

樸懷德遼東東寧衛監生任縣令撫綏有道得黎庶心纂資縣志

何文薰山東監生雍正十年知資州培修文廟學宮及兩廡各祠碑記猶存

王爾鑑河南庚戌進士知資州廉靜有威善詩工書磨巖多畱題墨刻

宋惠綏江蘇貢生任州牧果斷廉明振興學校始建珠江書院撥置僧田三處以備延師膏火之貲士林至

今受其賜

仲純信山東舉人署州牧有幹濟尤善聽斷獄無冤民
舊有德政碑今廢

本著正黃旗舉人任州牧愷悌子諒以寬平爲治善聽
獄務在得情不事刑杖而人不忍欺每行部載酒食
以從餉民之耕者慰勞甚摯如與家人婦子相告語
又議磊石截江作旋折狀後陞雲南大理知府士民
爲立德政坊今更爲五賢坊

孫念祖直隸舉人任州牧剛斷嚴明以禮範俗游女頑
資州直隸州志

卷十二

官師志

資州

政績

六

民望風而戢有廉能聲

沈璉江南監生署州牧明睿有才重修關帝廟

石作瑞甘肅拔貢任州牧有爲有守州治書院舊與行
臺併公以爲不便更置文昌廟右講堂鐫聯云淡泊
以明志寧靜以致遠正誼不謀利明道不計功士林
至今景慕後陞永寧道

王用儀江西進士署州牧強幹精明事屬疑難靡不立
決著凝瑞臺記

淡士灝陝西舉人署州牧政簡刑清舉廢典重修聖廟

奎樓及城隍廟公座對額天理良心四字後陞敘州府知府

余大鶴雲南進士署州牧愛民重士詳訂書院條規

張天爵山西進士署州牧愛民訓士公餘卽臨書院講經學

趙立忠江蘇舉人任州牧監修城垣守禦有方

吳士淳直隸監生署州牧補修城垣

趙遵律河南進士任州牧以政事文學稱於時重修文

昌廟狀元祠及鎮東登瀛金紫諸橋教養兼舉百廢

資州直隸州志

卷十二

官師志 資州

政績七

俱興操韻尤高潔每聞古蹟輒親臨訪之著述如林
癸亥春議建文塢纂集五城志甫脫稿會陞遷去士
論惜之

鄧璜江西舉人任州牧精明果斷剔弊鋤奸後陞夔州府知府

戴三錫直隸進士署州牧達民情勤案牘嚴飭吏胥剔
除積弊豪滑無不斂手士民德之榜於大堂曰民之
父母又創修副學署並補修書院養濟院

資陽縣

〔宋〕楊師錫〔舊志〕字舜欽蒼山人紹興中爲資陽令興教化明禮讓建二賢祠於文廟西邑人繪像祀之崇祀名宦祠

〔明〕唐宣〔舊志〕湖廣東安人成化間知縣事時復縣之初多所建置

郭方〔舊志〕字中矩湖廣荊門州人成化庚寅知資陽縣廉明公謹時稱循良者以方爲第一

王澄〔舊志〕字肅政陝西安定人成化辛卯知縣事政平訟理修舉廢典時有瑞麥之應

資州直隸州志

卷十二

官師志

資陽

政績

八

方向〔舊志〕字與義江南桐城人成化辛丑進士宏治八年以論事切直由南京戶科給事中左遷資陽縣知縣德威並著吏民畏服以憂去後陞瓊州府知府溫舉〔舊志〕陝西潼關人知縣事明敏有爲上游屢加獎焉

呂律〔舊志〕字正音江西豐城人由舉人任資陽教諭有學行勤於訓迪士子翕然宗之

張鳳羽〔舊志〕字拱宸雲南大理衛人由舉人任酆都教諭歷敘州順慶教授以論薦陞知資陽縣有善政民

咸懷之

王璽舊志字朝用雲南人正德中由舉人任邑教諭謙已誨人申嚴義利之辨遷保寧教授歷陞涪州知州姜沂舊志號魯泉陝西關中蒲城人嘉靖中由舉人選資陽縣值壬寅歲大水陡發城不浸者僅咫尺公率僚佐督船救援教民撤材木置筏自濟官民獲免於溺次年重修城垣縣治廢者興缺者勑費出於帑力効諸民不期月而規制加整至今人猶追慕不忘

朱高舊志號萃陽湖廣景陵人萬歷間由舉人選西充

資州直隸州志

卷十二

官師志 資陽

政績九

縣著有聲績外艱服闋復補資陽至則葺黌舍貿學田恢縣治置官倉百廢俱舉比期年而政通人和復捐俸倡建文塔以培地脈後陞麻哈州知州邑人士立祠山麓繪像祀之

詹淑舊志湖廣麻城舉人萬歷初任潔已愛民遠近頌德陞馬湖府知府後數年路經資邑士庶爭先迎謁至扳轅不忍舍

朱曷舊志山西汾陽人萬歷中知縣事公廉仁恕孜孜以建學興行爲務遇歲祲多方賑恤沾被尤溥士民

歌樂只焉

國朝王士冠舊志字冕公陝西三原舉人選資陽縣知縣蒞事九年愛民下士多所建監推陞行人司行人去之日老幼遮道扳轅至爲之泣下

劉熾舊志字昌德陝西韓城人乾隆初以蔭生銓知資陽蒞事數年廉明仁恕不以催科爲急而歲額自登嘗培學宮剏修四城樓設養濟院又於城西北隅購基建立書院捐餘金生息以給修脯凡所監建皆捐俸成之絕不累民後調清溪人思其德作歌頌之

資州直隸州志

卷十二

官師志

資陽

政績十

鄧穎舊志邛州拔貢授資陽教諭課士具有法程接待必以禮貌修葺學宮及文昌廟經營庀飭以身肩之陞夔州府教授去之日諸生餞送追至江上而返鄭章武舊志易水舉人授資陽令方正持重約束胥吏奉法惟謹尤加意振興書院士人至今頌其德

張德源舊志湖廣廣濟人乾隆三十年以進士任資陽令力興學校督修城垣建迴瀾塔書院養濟院視民如子經卸任掌院六載甄陶士類科貢聯登者咸濟濟稱盛焉

內江縣

唐韋維**唐書**韋湊傳京兆萬年人叔祖謙謙孫維字文紀進士對策高第擢武功主簿徙內江令教民耕桑縣爲刻頌遷戶部郎中善裁剖員外宋之問善詩時稱戶部二妙

宋鄧棐**舊志**紹興初任首修庠序次講兵農利興弊革上下悅之

冉虛中**舊志**乾道間任倣先任李公景善政次第舉行邑民兼誦之

資州直隸州志

卷十二

官師志

內江

政績

十一

仲大年**舊志**淳熙間任邑令自謂政教之施如五穀然種之必生食之必飽若專用刑罰非善政也故治尙寬平民受其惠

李正交**舊志**嘉定時令監雁塔以列科第循阡陌以課農桑其他善政多類此

郭明道**舊志**任學長事不畏權勢教民首重農桑有畱靴記

陳咸**宏簡錄**字逢儒登淳熙進士調內江尉吏受賄賦民不均咸白部使下令聽民自陳委咸均之擢知南

充運使安節辟主管文字

李憲煊舊志與邑令李正爰同時協心致治民並德之
蔡逸舊志任邑尉捐俸以助寒生均賦以甦民困去之
日民皆誦之

明傅元亨舊志江西清江縣監生洪武中任邑令性古
樸當邑草昧開創居多歷任七年卒於官遠不能歸
葬於邑南門內子僑守墓後治商功雅不返遺祠屋
三間盡爲榛莽嘉靖間士民白於侍御馮爲立石葺
守之

資州直隸州志

卷十二

官師志 內江

政績 三

湛禮舊志浙江錢塘人永樂初舉進士令內江性廉介
政寬平任滿命左右視裘惟服飾一二擢大理評事
陞韶州知府蜀人比之趙清獻云見通省志

徐寄舊志江西玉山人貌奇而邃於學政事練達刑罰
適中有古循吏風刻縣箴載藝文

張泳舊志山西稷山人子惠困窮芟鋤強暴修學校作
浮梁均徭賦士民永思之

楊仲倫雲南太和人舊志成化進士持身勤慎蒞政簡
明旋以憂去民蒙其惠

陳經舊志湖廣臨武人由進士任以文學節吏事以信義結民心修橋梁寬撫字課最入爲御史尋陞僉事陳銓舊志湖廣永州衛人由進士任值歲饑驗口給粟平價糶糧捐俸易米給粥全活甚多又廉知邑盜與安岳諸寇嘯聚移文鄰邑各擒渠魁且選富民召行童輸銀以給婚喪之未舉者一邑始安後徵爲御史復陞副史

劉廷策舊志江西安福人由進士任內邑紀法嚴明老吏寒心巨室斂手詰頑禁奸修廢舉陞陞南京吏部

資州直隸州志

卷十二

官師志

內江

政績

三

主事

胡奎舊志直隸太和衛籍湖廣武陵舉人政崇三事守畏四知蒞任三年愛民如一日

潘棠湖廣辰州人舊志由進士以給諫遷縣令學醇履潔才敏識練嘗賦詩云濂溪窗外無窮意散作中川處處紅其曠達如此擢雲南僉事

李允簡舊志廣西融縣舉人嘉靖中爲內江知縣廉勤律已節愛惠人正學校勸農桑平徭賦清獄訟歲旱步禱令兒童歌曰早旣太甚治非其人寧禍其身勿

病其民三日果大雨民以青天呼之陞思州知府會
征諸苗委紀功督餉適諸苗入城掠劫允簡正色詈
罵陞岩死詔贈副使蔭一子祠祀之

李和芳舊志湖廣公安人由進士嘉靖己亥任性清介
取與不苟誠心愛民簿書訟牒親自裁決當途署其
考曰守身如女愛國如家父老競誦之

胡川揖舊志歙縣人由進士嘉靖壬寅任博學嫻文詩
亦豪宕省刑薄斂簿書期會毫無廢事縉紳學校翕
然各得歷任郎中

資州直隸州志

卷十二

官師志

內江

政績
四

王用康舊志山東汶上人由進士嘉靖辛亥任性行溫
良儀度魁偉外謙恭而內朗鑑不尚鈎棘節省鎮靜
與民相安後拜御史陞通議

李佩舊志漢中南鄭人由進士涖任止攜二蒼頭來署
視事糲蔬自甘一絲一粒不取於市後丁內艱徒步
長安行李蕭然起補戶部主事

張應登舊志陝西咸陽人由進士初謁選已抱沉疴到
任猶力勤視事冲襟雅度約已裕民禁敲撲去煩苛
不憂已疾不治惟慮民瘼未瘳合邑祀禱願永厥壽

竟泣邑六十日而卒父老遮哭曰天何奪民司命如此

沈伯龍舊志嘉興人由進士涖任量足有容才能濟事徵輸供億視舊加省修城垣建黌舍百廢俱興後徵入禮垣以蹇諤著

王同道舊志楚黃岡人進士由御史左遷善調伺以得物情擊斷無諱調停里甲訓迪人才醞藉風流詩文咸有逸氣陞南京戶部主事

陳諫舊志陝西華陰人由進士厚重亮直小心謙畏外資州直隸州志卷十二官師志內江政績五若長者中實朗鑒老吏不敢欺也禮賢勤民衆寡大小皆無敢慢陞戶部主事

史旌賢舊志雲南人由進士任敏練端嚴遇士大夫有禮而明察不遺巨細表章勝蹟興起人文士民思之建祠以祀

李用中舊志陝西朝邑人由進士任性鯁直尙廉介平輸納能折獄贖鍰勿問也歲饑發倉勸貸全活甚衆性至孝凡母有所遺必焚香向西拜而後食居官清謹皆母之教也仕淮徐大參卒於家俸不足以營葬

邑人聞而哀思之

楊應登舊志雲南阿迷人由進士任性和易御士民有愷悌風征播之役運餉獨先歲饑捐俸賑恤全活甚衆邑南裨木鎮苦渡捐俸置橋仍市田畝以備修緝時有偽冒都司馳傳各邑詐取庫金多中其奸者至邑盤詰立擒當路異之擢主事歷陞廣西按察司副使

胡承詔舊志字君麻湖廣景陵人以甲辰會魁初知夾江因治最調繁內江性剛嚴不畏強禦不喜趨承歲

資州直隸州志

卷十二

官師志 內江

政績六

早步禱畢霖雨大注會課諸生自批閱面講受其教者皆次第發科與士大夫往來如禮卽法不曲貸在任三年如一日公正平大邑人神明戴之詳見生祠碑記

郭方舊志楚荆門州人由歲貢任資陽令內江偶缺縣正時大造孔亟方承委審辦令出風行條分縷析不越月報竣與民秋毫無染司府嘉勞之

李端舊志棗陽人由進士任御史謫經歷洪治三年委署縣事標持廉白政體疏通將報代儲以事勾攝者

互相蔽匿端廉得其奸剖決殆盡尋陞知富順縣移
守太倉

劉遜舊志江西安福人由進士爲御史以忤中貴調澧
州再謫都事洪治中委署邑事案無畱牘獄鮮繫囚
半歲得代去百姓攀畱泣下陞順慶府同知

任璜舊志陝西臨潼縣人由進士任本府推官丙午署
邑事會饑道殣相望璜發粟平糴扶傷掩骼詰盜除
奸人民更生政簡刑清徵禮科給事中

束載舊志貴州人本府通判署縣事才思疏通操守清
資州直隸州志

卷十二

官師志

內江

政績

七

謹事無巨細剴裁悉當士民戴之

陳應鳳舊志貴州人順慶府通判署縣事恬靜精明遇
事迎刃清約自奉應接以禮擔當政事屹立如山士
民愛戴代去時扳轅遮道有脫靴記

張惠舊志安陸人由舉人任學教諭講學以授諸生捐
俸以修祭器見御史張叔安記

劉顯舊志雲南楊林所人介節有量大振學規有古蘇
湖風

白璧舊志江西進賢人任教諭勤講課慎祀典教人一

遵文公家禮歷任八年擢馬湖府教授

歐澄舊志湖廣永興縣人任訓導復陞本學教諭嚴於考課講學時一榜登甲第者七人作成之功居多人比之如胡安定許白雲焉

趙文舉舊志陝西崇信人任教諭古貌古心常卻贄賑寒微歷任七年循循雅飭無一妄語去之日縉紳郊送車馬蔽江潯焉

花向春舊志南充人質樸端重學問宏博每接談如探淵海益由爲任少海同志友也任六載却贄儀乞休

資州直隸州志

卷十二

官師志

內江

政績六

歸祖餞於途者絡繹不絕追思者以爲有古君子之風

李梁舊志墊江人渾樸端方年四十始薦賢書矢志春官不少輟舉子業常結交孝廉爲社會以是人益務於學且性淡素不屑屑於束修人益重之隨轉滕縣尹卒於官

楊東華舊志雲南人萬歷中爲縣尉剛正不阿廉潔自苦每事視正堂出入以爲啟閉絕不私准一辭人有嘲之者曰吾盡吾心而已品格豈足論哉去後民常

思之邑宦遊滇者聞其子食庠餼嘆爲善報云

吳山舊志麻城人文章典雅政尙寬和

謝熙舊志海臨人由薦舉創修城垣

沈正隆舊志沔陽人萬歷二十二年任風格磊落政令

嚴明堂下事立判成案老吏畏之陞侍御

雷應乾舊志湖廣江陵人崇禎二年任剔除俗弊纂修

邑乘中川文獻賴以不隕

李興舊志湘潭人任主簿廉以律已恕以待人卒於官士民哀之

資州直隸州志

卷十二

官師志

內江

政績

九

瞿汝璉舊志褒城人資縣令署邑事未兩月有治聲

朱國壽舊志大興人由進士崇禎中任建譙樓培縣治

風水丙子鄉科雋十一人一時稱盛云

繆沅舊志字湘芷浙江錢塘人由進士崇禎中任才名

振一時廉靜嚴明豪猾斂懼庚辰冬流賊奔瀘過邑

鄭子壩隔江窺城守禦甚備且發守城藺兵截至東

瓜岩殺渠首曹四賊不敢近督師楊大加獎異秩滿

行取工垣

國朝習全史舊志陝西同官進士順治十八年任時久亂

初寧極力撫綏招復流亡重修文廟城樓譙樓及各
祠廟歷任七年士民樂業報績上考以丁艱去邑人
擁泣焉

徐嘉霖舊志直隸監生康熙二十三年任時邑遭吳逆
之亂嘉霖勤於政治禮士愛民重修學宮纂邑乘七
年去任士民思之

張大經舊志奉天監生康熙三十年任時內邑地廣民
稀差徭頗重大經親省農桑就問老成悉民疾苦至
今士民稱遺愛焉

資州直隸州志

卷十二

官師志

內江

政績

十

周然字蓮舫舊志順天進士學問淵博氣度端嚴在任
十二年政簡刑清百廢具舉鄉里帖然尤好培植人
才政暇多作詩文以課士其時所器重者如姜松亭
劉東巖王阜山咸以文學顯焉

韓萊會字依庭舊志江南長洲舉人殿元葵之孫性溫
和重士立月課以教諸生訊問民事如與家人言嘗
謂人曰凡人臨事不可輕怒怒則血氣用事不復能
以義理折衷在任九年修書院建社倉案無畱牘邑
中稱善治焉以績遷水利同知去之日士民泣送後

陞順慶府知府

宋祐舊志安徽無爲州舉人雍正九年任性廉潔愛民重士政簡刑清後陞漢陽府知府至今七十餘載父老猶追思不置

初元方舊志山東萊陽進士乾隆初任潔已愛民剛正不阿四境恬謐民情永懷子彭齡昆季接武魏科現登顯仕望著寰宇人以爲公清德之報

林儁號西厓舊志直隸大興舉人乾隆三十一年補邑令實心教養平易近人如衡平鑑空士民各遂其隱

資州直隸州志

卷十二

官師志

內江

政績

三

調成都尹遮道送之遺教諄諄嗣歷陞府道旌輿過境必霽顏詢邑父老咸額慶焉後陞四川布政使司許椿舊志浙江舉人乾隆壬辰任廉介自矢政尙寬仁時大兵進勦金匱椿奉委糧務木果木之役與難焉事聞蔭一子如其官現祀慰忠祠

王超舊志雲南昆明舉人乾隆四十年任值大兵勦金川軍書劬午民困差徭超撫以仁慈不事追呼暇常與士論文娓娓不倦改舊書院爲行臺更建於學宮側邑人至今蒙其澤焉

張宗文舊志山西舉人乾隆己亥由鄰水令署邑事清廉有望時值歲荒加意賑濟折獄如神涖任甫三月積案一空政暇課諸士親爲指畫士民咸愛戴之

李恩書舊志甘肅人由監生乾隆辛丑任勤折獄嚴詰盜鄉里有安堵之風屢集邑中紳耆議重修三元塔以培風水因歲旱不果至今士民惜之

丁映奎舊志貴州進士乾隆戊申署邑事接士有禮愛民以德捐膏火課書院諸生去後人嘗思焉

陳其玉舊志營山人由拔貢乾隆己亥任邑教諭性溫資州直隸州志

卷十二 官師志 內江 政績 三

和有度課士以大義言不及利有塾師因束修怒其徒質於署其玉婉諭之曰徒不受教棄之足矣如以利言則非吾輩所宜也士聞而德之

陳濟舊志新都人解元于鑑子乾隆五十四年由歲貢任邑訓導性寬平一介不苟日以課藝自娛時值制錢改鑄有一生甫入庠持干錢爲贄濟語之曰此錢得來不易爾寒士何堪負累也却不受

仁壽縣

唐樊興舊唐書裴寂劉文靜傳與本安陸人積戰功累

封營國公貞觀六年陵州獠反興率兵討之拜左驍衛將軍

陳充新唐書地理志陵州籍縣東五里有漢陽堰武德初引溪水溉田二百頃後廢文明元年陳充復置

宋賈爰玉壺清話建隆中爰通判陵州蜀孟昶卽國之二十三年陵州鹽井石脈淤塞毒煙上蒸以絙繩煉匠下視繩者皆死不復開浚民食大饑太祖卽位除賈爰贊善大夫通判陵州專幹浚井爰至井齋戒虔禱引鋪徒數百人祝其井曰聖王臨御深念遠民井

資州直隸州志

卷十二

官師志

仁壽

政績

三

果有靈隨浚而通再拜而入役徒憚不肯下爰抱鋪先之數旬始見泉眼初煉數百觔日稍增數千觔郡人繪爰像祀於井旁

任元吉文獻通考乾德五年元吉知陵井監請鑿五井煮鹽是歲得鹽八十萬觔擢元吉永清令後寢增其數

于震孫通志獫爲人以詞賦第一調隆州錄事參軍知廣都人遵其教令一境大治累官朝奉大夫

張旦宋史本傳趙州人淳化中知陵州時李順搆亂賊

黨數萬攻陵州州兵不滿三百無城塹旦修完戰具
置鹿角砦驅市人進戰大敗之殺五千餘人獲器械
萬計詔書褒之特遷水部員外郎

楊佐采史本傳佐本唐靖恭諸楊後及進士第爲陵州
推官州有鹽井深五十餘丈皆石也底用栢木爲幹
上出井口垂縷而下方能汲水歲久幹摧敗欲易之
而陰氣騰上入者輒死惟天有雨則氣下降稍能施
工晴則亟止佐教工人以木盤貯水穴竅灑之如雨
滴然謂之雨盤如是累月井幹一新利復其舊

資州直隸州志

卷十二

官師志

仁壽

政績
三

周美一統志回樂人慶歷中爲陵州團練使城清水等
十一砦每邊書至諸將各擇便利獨美未嘗辭難然
所向輒克諸將以此服之

文同宋史本傳字與可梓州梓潼人漢文翁之後以學
名世操韻高潔又善畫竹四方人之持縑素請者足
相躡於門同厭之投縑於地罵曰吾將以爲鞮好事
者傳之以爲口實初舉進士稍遷太常博士集賢校
理知陵州又知洋州李志同以太常博士知陵州州
解徙倚于培塿之間士風習靡守長至者或鄙易之

公訪民疾苦廉得城中羣小常以夕時凌轢居民居者暮卽闔戶不敢出乃率以事收致庭峻繩之且戒毋復亂吾治是後郡民慶弔相往來雖篝火宵行無復擾者上元嬉遊野扶老攜稚趨城市數夕晏然父老相慶曰不圖吾鄉今日安居行樂近比都會也貴平男子依假靈慧以鬼道惑人遠近走集爭投貨財將大侈叢祠公聞之乃移尉捕其首黥而徒之餘置不問以其材新甲仗庫嘗使諭尉曰西山之隈居者數家有盜匿焉亟捕之尉果擒盜鄉人神之官至湖

資州直隸州志

卷十二

官師志

仁壽

政績

五

州太守與利除害不避權勢文彥博奇之曰襟懷灑落如晴雲秋月塵埃不到與蘇軾交稱最善著有丹淵集

楊紹通志紹聖間知陵州監以居民缺水引郡之小龍泉以資民汲號普惠井民利用焉

李中通志丹稜人知仙井監事有政聲眉州志中唐宗室曹王皋之後以進士知仙井子燾燾孫謙屋至塾壁皇岱並名士

梁梓朝野雜記淳熙末隆州自理參軍因吳曦叛蜀梓

係克任去官

袁桂朝野雜記淳熙末新知隆州吳曦叛蜀不赴新任
楊汾朝野雜記字濟道青城人隆州教授趙德老彥逾
爲帥京仲遠鏗當國薦之召去

宇文紹節宋史字挺臣廣都人朝野雜記挺臣知隆州
袁起巖薦之詔俟秩滿赴行在奏事

趙彥綜通志紹定間彥綜知縣事以德化民不尙威法
再期而民孚繪像於霄漢堂以祀之

李夔宋史字清叔晉原人慶元進士爲判官歷官大府

資州直隸州志

卷十二

官師志 仁壽

政績

三

少卿

元王嗣宗通志合州人至正中任隆州同知時寇盜搶
攘捕其豪強者置之法因而撫輯之民以安堵

劉湛一統志江西人爲仁壽教官明玉珍入蜀棄官隱

瀘州

明毛沂舊志雲南人嘉靖三十二年知縣事慨然念何
虞二丞相爲邑顯人墓門荒蕪不治乃詳請御史喻
公爲修墓封樹乞南充太史任瀚爲碑記立於墓左
今豐碑猶存也

韓立[通志]貴州宣慰司舉人嘉靖中知縣事嚴介有法積猾屏跡

周大繡[張誌]萬歷中任以培植學校爲己任捐俸建書院一區延師教訓其中而已亦時親訓導顏之曰六愚社言學之足以破愚也社學生梁可繼廖道充羅元德周仲士梁可述劉世綸六人先後相繼登賢書時以爲六愚之兆

劉三策[明史王勵精傳]三策鄱陽人仁壽知縣崇禎十三年賊犯仁壽三策拒守城陷不屈死贈尙寶寺丞

資州直隸州志

卷十二

官師志 仁壽

政績

三

[通志]流賊竄境策多方守禦每對紳士曰事勢危迫之際不動心三字是吾本領也城陷被執罵賊死之本朝乾隆四十一年 賜諡烈愍

唐鳳翥[通志]字一明一字威赤江南宿松人崇禎辛未進士由浙江之嘉興調補邑令清操有德政士民懷服禦侮危疆與賊戰至吮血裹瘡不言其瘁卒戰死池本理[舊志]縣學教諭通陰陽五行之術於遁甲禽星精心解析俱有條理

禹祥[氏族箋釋]知縣事治民事神處已待物惟以不欺

爲主清約如寒士

顧純貽明史長洲人崇禎十七年張獻忠再入蜀徇仁壽城知縣顧純貽遇害舊志崇禎庚午舉人十七年知仁壽縣事張逆破成都不屈死天下既定其女廷琦徒步入蜀扶櫬歸

國朝葉新字惟一舊志金華人雍正七年涖任判事明決放告日民具訟收八百餘紙卽公座批覽細故片言而解無情者杖逐之不終日判三之二矣諭訟者明晨再集輒避去匝月刑清無健訟者士民翕然頌之

資州直隸州志

卷十二

官師志

仁壽

政績

三

余爾昌字麟含舊志江蘇婁縣人乾隆元年舉於鄉嘗夢游精舍之菩園覺而欣然若有所得因以菩園爲字十七年成進士選授仁壽縣知縣入其署右軒題菩園二字儼然夢中所見而署後峰巒林木石磴皆如舊遊因歎曰昔者之夢蓋爲是耶縣北貴平故城左有石觀音者廢棄巖穴間荆棘叢生行人無復香燭愚民或過而嗟嘆之巖前棗樹一株大可圍二三尺忽枝間擁腫處破得一像如人牧童相與竊香禮拜適有販牛數十頭者經其處牛病不行禱之蹶然

起因布告於四鄉曰佛子也愚民間之咸攜老扶幼相拜禱日至萬餘人爾昌聞之曰是何妖物敢惑吾民親詣其處先持斧破木人爲二命工伐其樹仆之遷石觀音於貴平寺內妖遂絕念邑諸生之學不振也買飛泉山前隙地拓爲鼇峯書院日集生徒講讀其中院後松柏蔚然皆爾昌手植邑人士猶樂道之二十五年彭山縣令張鳳翼移勘古佛洞堰聞而樂之曰是吾素心也往來江畔督工不憚辛勤或勸之少息則曰有如此利民者而不急成邑宰之謂何工資州直隸州志

卷十二

官師志

仁壽

政績

无

未成而病因乞休歎曰菩園有兆其將終於此乎果未及歸而卒爾昌居官以愛人爲本飲人以和不爲煽煽熱蓋天性然也

楊夢槎舊志江蘇金匱舉人乾隆三十年署縣事有惠聲後因金川不靖夢槎以酆都縣知縣檄司昔嶺礮局木果木之變賊蜂聚而來先劫局夢槎被縛不屈死之或謂夢槎給賊築礮多實子藥礮反坐轟殺賊數十人賊恨之被磔而死

王雲程舊志臨晉進士乾隆五十二年任縣事持已簡

重不尙煩文折獄嚴明刻無寧暑旣斷者無翻控受
責者無怨辭民間調巴縣起程時士民塞道叩送公
與民皆流涕至今口碑猶存

湯輝道字閣中舊志涪州副榜乾隆十年任邑教諭以
敦行重倫爲教勸修文廟邑人士德之

井研縣

宋崔升縣志雲南人開禧間任建東嶽祠及鍾秀亭有
碑記

明巖孟端洪武十四年任始改縣創建學校修公署壇

資州直隸州志

卷十二

官師志

仁壽

政績

三

祠政績失考入名宦祠

任翀縣志字騰霄陝西安化人正統間任公直成性撫
字有方招商開集民至今稱之

蔡廉縣志字永澄嘉定人正統間任教諭學行俱優教
誨不倦卒祀名宦祠

許貞縣志湖廣應城人天順元年任教諭公直勤敏能
修學政卒祀名宦祠

余貞縣志湖廣江夏人天順間任訓導嚴立課程講解
不倦

周鈞縣志陝西潼關人立志剛勁確有守爲以迎養未就遂棄官歸

胡璘縣志湖廣人成化七年任訓導存心謹厚飭行剛潔

丁銳縣志湖廣江夏人成化間任刑不暴怒訟必詳審士民樂業嘗纂修邑志後陞姚州知州

屈伸縣志湖廣歸德人宏治間任催科不擾弭盜安民士民樂業

李紹祖縣志江西萬安人宏治十五年任井研主簿居資州直隸州志

卷十二

官師志

井研

政績

三

官得體捕盜有方祀名宦祠

董繡縣志環縣舉人宏治間任教諭文學著名造就人才

張岐縣志陝西岐山人正德間任井研主簿實心爲民以禦賊殉身祀名宦祠

周達縣志號白山陝西寧州人嘉靖五年任井研知縣善政甚多縣舊用苜銀納糧吏胥因緣爲奸民苦之周爲改定上納一切無所治在任六年行取後四民思其德勒石識之

韓邦儒縣志湖廣石首人嘉靖二十八年任修學宮建書院士民歌詠

陳東縣志湖廣零陵人嘉靖間由龍泉調任重風教獎善長勤作士謹饜祭修倉舖善政甚夥著有南塘類稿

蕭溥縣志湖廣江夏人嘉靖二十九年任經營水利訟簡刑輕邑人爲廷坊

金永堅縣志貴州衛人嘉靖三十四年任潔已愛民後陞知州

資州直隸州志

卷十二

官師志 井研

政績 三

閻士麒縣志雲南人嘉靖四十年任後陞鞏昌府同知有遺愛併去思碑

徐鏞縣志湖廣人嘉靖間任教諭心行方正振興學校李玉縣志雲南石屏人嘉靖間任教諭學行俱優玉成多士

周希貴縣志號北堂江西安義人嘉靖間任賦性公直蒞政廉明扶弱鋤強興學造士當兵荒之時嚴保甲賑流移民賴以安條陳邊儲交納布政司免遠運之苦議蠲坍井鹽課三百餘兩監官房取租充補祭需

實心實政士民感慕後陞嘛哈知州官至長史

張震縣志號竹塢雲南蒙自人萬歷元年任有惠政邑人感之

楊君惠縣志陝西鞏昌人萬歷七年任為政勤敏實心愛民卒於任

杜如桂縣志浙江錢塘人萬歷間任蒞任五年愛民如子催科不忘撫字聽訟大服輿情修建學校公署整葺橋梁道路陞許州知州去任之日士民攀卧如戀慈母至於滅甦鹽弊纂修邑志尤為士民感頌去任

資州直隸州志

卷十二

官師志 井研

政績

三

民為之立去思碑

彭佐縣志湖南安鄉人萬歷間任教諭端正剛方教重孝弟

張邃養縣志山西人天啓元年任有去思碑

徐彥登縣志字鴻達貴州安庄人有去思碑

方忠奕縣志鄉貫無徵崇禎十五年任相傳獻逆屠城遇害

國朝王配京縣志字對三山東高唐人順治十八年任時邑遭殘燬之後人地荒蕪京到任興學校修城池百

廢俱舉教民以端人心勵風俗爲務有德政去思碑
趙璿縣志字建亭直隸薊州人康熙四十七年任政尙
寬平嚴胥役緝奸宄不尙擊斷惟以至誠感化陞忻
州知州起程之日合邑攀輿涕泗士民至今不忘有
去思碑

黃光燦縣志字輝五雲南易門人雍正八年任嘗修倉
廩建文昌鼓樓興水利編緝縣志培補城垣善政甚
多

白士宏縣志字任重河南新鄭人捐買書院義田民至
資州直隸州志

卷十二

官師志

井研

政績

三

今感之

萬咸燕縣志雲南石屏州人乾隆七年任培修學宮建
明倫堂尊經閣來鳳書院卒於任

南日廷縣志字臨野陝西安定人廉能有爲嘗建各鄉
社倉九處撥置書院田數十畝

林守鹿縣志字靜亭福建閩縣人廉慎慈祥愛民好士
延名師訓迪公餘與諸俊彥講學邑人雷輪胡元善
胡韶善雷輔輩咸從之遊在任十年後歷陞河南汝
光道士民至今思其德

七寶縣志字楚齋滿洲鑲黃旗人乾隆四十二年任清
介自守實心愛民己亥歲歉平糶親臨稽查杜絕侵
漁穀價頓減四民安業署任未久去至今思之

資州直隸州志

卷十二

官師志

井研

政績

三

續增

政績

靳章紳安徽監生道光二年二次署資州篆州舊無考
棚每童子試恆苦之爰議於行臺內修東西考棚號
棹應試者咸利賴之復於署前鼓樓外修建米市商
民稱便

張海瀾字安舟貴州石阡府人嘉慶丁丑進士道光七
年任資州散崇文教每月課設席以禮生童己丑歲
以 聖廟湫隘移建北關外旋以東門外珠江書院

資州直隸州志

卷十一

續增政績

三十五

有水災移入大東街學宮十二年調辦馬邊廳軍務
卒於軍州人士於狀元祠設主耐饗

高學濂字希之安徽無爲州舉人道光十四年七月任
資州清廉公正材具精明甫下車嚴飭胥吏慎重關
防弊絕風清折獄尤爲明允控不輕准准必速結遠
近皆頌神明聽訟必以雞鳴曰欲使己與吏民各以
平旦之氣相見庶天良不昧也選公正紳民爲鄉長
使各舉所知爲甲長聯首一時舉得其人風清俗美
閭井帖然州地半係山田民多苦旱更爲民籌水利

勸諭濬堰任內未滿一載凡濬堰瀦千餘至今利賴
修治書院房廊籌漆膏火不時至院與諸生童講論
經義諄諄以立品啟行爲勗每公退半日讀書半日
出城禮致一二公正紳耆勤訪民間利弊凡遇名勝
古跡觴詠尤多其他忠孝節義勸善之長務爲表揚
十五年四月丁艱去士民垂淚扳送舟不得行十九
年八月歿於里年六十二訃至州人士爲位祭奠旋
於趙莊叔祠內設主祔饗二十六年公請入祀名宦
學濂學問純正根柢程朱曾於書院講堂刊示自箴

資州直隸州志

卷十一

續增政績

一三七

二首爲同志勗載入藝文歷官凡九處實心實政始
終不渝所在俱有青天之日

訂翼字賓梧漢軍鑲黃旗舉人道光十六年任資州增
修重龍山內城及火藥局以備緩急尤振興學校添
設棲雲鳳鳴兩書院增置生童膏火籌辦鄉會試經
費錢叁千釧發當生息議定章程詳憲立案州人士
爲勒嘉惠士林碑

何咸宜字壽泉浙江淳安縣優貢道光二十四年委署
資州篆以河水爲城患創修上下河堤復於重龍山

麓建立奎閣以培人文現陞成都府署成綿龍茂道
牛樹梅字雪橋甘肅通渭縣進士道光二十八年署資
州篆實心教養作育人才倡捐俸金置東二里郭家
嘴田土一分每年收租以作鄉試錄遺及正場卷貲
復移建養濟院以恤孤貧現任川省臬台

資州直隸州志

卷十二

續增政績

二
三五

政績

光緒二年刊

黃濟字子恆湖南長沙監生同治元年任資州公正廉明紳耆非公不見嚴飭胥吏弊端剔盡聽訟尤稱明決州中命盜兩案蠹役需索民多受害因此破家甚眾公爲興設三費章程暨書役規費詳憲立案豎碑於急公所弁刻小本散給鄉民民賴以安又籌二千金交典肆生息以作三書院師課膏火每年加增官課兩次又提斗秤贏餘興設育嬰牛痘兩局同治元年採訪忠孝節烈公捐俸金三百以作經費在任雖

資州直隸州志

卷十二

官師志

政績

三十九

二年而大小公事無不備舉諸弊無不盡革

附三費局自同治二年始歲收斗息屠厘漸有贏餘積至十三年餘錢三千餘釧紳糧意欲垂久議於夫馬局添錢二千餘釧置業兩契一在西一里地名白菓壩價值一千八百釧歲收現租錢拾釧租穀三十石一在東三里地名徐家壩價值四千三百一十釧歲收現租錢五十釧租穀六十石每年歸急公所局士經管

徐傳善字春漪廣東漢軍官學生同治七年署資州清

廉自矢聽訟明允尤嘉惠士林每次官課捐金數十兩加添膏火寒士賴之近年委員過境自道府以至雜職均由急公局備辦席棹漸次加多每歲需錢或五六千釧或七八千釧不等民常病之徐主稟憲分別裁減惟道府以上大員仍照舊章支應以下大加裁汰定章立案一切程儀均由官送毫不累及民間至兩湖椿馬署中雜費以及過道差務共計二十條一弁請裁飭令刊碑民咸德之

羅廷權字鑑平雲南昆明縣舉人同治九年任資州勤

資州直隸州志

卷十二

官師志

政績二十四

謹清廉常於黎明聽訟蒞民必大堂再三研究惟恐樸民受屈同治辛未十年大旱饑民徧野有造妖言者謂濛溪口有魚作祟今神將降濛溪收之須藉人力相助各場貼字約令四境居民各帶軍器於四月二十五日齊集濛溪助殺魚妖天始降雨蓋將脅眾爲亂也公於二十三日聞信速令汛官帶領兵丁往彼彈壓親率三班數十人調集附近團練以防其變至期遠近來觀者萬餘人俱各安靜俄卽散去後聞各場俱有會匪或十餘人或二三十人在店候期期及

皆不敢至若非公之神速焉能免害是歲發濟穀貳千石又捐銀壹百兩倡首復勸各鄉捐貲平糶賑濟同治十二年六月大水成災不惜重貲亟購多船由城堞放入救生無一被溺又捐錢買米煮飯散給民賴以安咸豐初喇嘛貢差因北路爲獬匪梗阻改經東路由資州行走每年或三四起或五六起不等後北路肅清仍由州過任意勒索所費不貲公稟大憲改回故道至署內培修房屋等費向由局支悉行裁革由官自備其撙節愛民如此同治癸酉年捐俸叁百串添修鳳鳴書院樓房共九間復捐錢貳千串交急公局生息以作官課加賞并捐添鳳鳴棲雲兩書院修金又籌修 關帝廟補修 文廟移建火藥局創修試院雨棚倉神祠演武廳等處光緒二年修志捐錢肆拾陸串善政多端不可枚舉

白映庚字星階直隸省舉人同治十年署資州才具精明政平訟理每次書院考課公輒捐金獎賞其數倍於常額又諭太乙行每年捐錢壹百陸拾串以作文童科歲院試卷貲詳憲立案寒峻皆利賴焉

資州直隸州志

武備志

兵制

舖遞

驛傳

自古修文事者不忘武備殷周定天下載戢干戈教以文德而猶立司馬之名設六軍之衆因井田而制兵賦誠以思患預防兵可百年不用不可一日不備也歷代兵制不同自唐募兵以來兵與民始分爲二民事南畝不復知步伐攻戰之勞兵荷戈爰不復習耰鋤耕獲之業蓋設兵以衛民賦民以養兵其道相資爲用宋元以下因之不變我

資州直隸州志

卷十二

武備志

資州

兵制

朝奮武揆文

天威遠播凡營伍之建置皆酌地之險夷以定額之多寡郵傳轄於重臣斥堠以時警飭其所以安不忘危有備無患者洵萬世磐石之計也作武備志

兵制

州屬明制由成都府城守左營守備管轄

國朝雍正七年因經制千把總不敷防汛設外委千把總一二員駐防各州縣以資彈壓分防資州汛外委把總一員帶領馬兵二名戰兵四名守兵二十

七名共三十三名乾隆四十八年總督福康安奏
請添設守兵七名共馬步戰守兵四十名

分防資陽縣汛外委把總一員帶領馬兵二名戰守兵
共四十八名

分防內江縣汛經制把總一員帶領馬兵二名戰兵五
名守兵二十九名

分防仁壽縣汛提標撥外委把總一員帶領馬兵二名
戰兵七名守兵十六名

分防井研縣汛提標撥外委把總一員帶領馬步戰守
資州直隸州志

卷十二

武備志

資州

兵制二

二

兵十二名

資州防汛歲支俸薪銀三十六兩養廉銀十八兩馬兵
二名歲支餉銀共七十二兩戰兵四名歲支餉銀
共六十四兩守兵三十四名歲支餉銀共五百零
四兩

武備志

舖遞

按康熙六十年設立舖司嗣於雍正五年因查出
冒銷工食之弊將舖司裁革一切文書俱用塘兵
傳遞後因兵丁有操演騎射防守城池之責兩無
濟也至乾隆元年奉文請復設舖司遞送

資州

底塘舖

新安舖州北十里

雙石舖州北二十里

跳墩舖州北三十里

資州直隸州志

卷十二

武備志

舖遞

三

金帶舖州北四十里

唐明渡州東十里

蓮池舖州東二十里

金紫舖州東三十里

銀山鎮州東四十里

板堯舖州西南十里

潞潭舖州西南二十里

永濟橋州西南四十里

大有場州西八十里

石柱廟州西南一百里

資陽縣

底塘舖

拱宸舖縣東十里

飛虹舖縣東二十里

老君舖縣東三十里

南津驛縣東四十里

新添舖縣東五十里

凍青舖縣東六十里

白佛舖縣東七十里

石橋舖縣東八十里

長溝舖縣東九十里

石梯舖縣西十里

青泉舖縣西二十里

楊柳舖縣西三十里

臨江寺縣西四十里

內江縣

底塘舖

叢林舖縣西十里

三堆舖縣西二十里

史家舖縣西三十里

石溪舖縣西四十里

樂賢舖縣南十里

樺木鎮縣南二十里

長堰舖縣南三十里

資州直隸州志

卷十二

武備志

舖遊四

石梯舖縣南四十里

仁壽縣

底塘舖

泡馬灘舖縣東二十里

傅家場縣東五十里

青石山縣東八十里

何家場縣東一百一十里

道士溪水塘縣西百四十

秦國寺水塘縣西百六十

里

里

井研縣

底塘舖

高明舖縣南十里

盤龍舖縣南二十里

月峯舖縣南三十里

龍門舖縣北十里

環龍舖縣北三十里

新添舖縣西北三十五里

竹園舖縣西北四十里

資州直隸州志

卷十二

武備志

資州

舖

五

武備志

驛傳

資州

珠江驛棚廠在治東儀門外間壁資縣舊蹟東南至內江安仁驛九十里西北至資陽驛一百三十里前明時原設珠江驛馬三十匹每匹每年工食料草銀二十六兩四錢旱夫四十一名每年各給工食銀七兩二錢抄牌夫一名每年工食銀七兩二錢館夫六名每名每年工食銀十一兩八錢

資州直隸州志

卷十二

武備志

資州

驛傳

六

國朝康熙元年額設站馬十二匹每匹日支料草銀一錢馬夫六名每名日支工食銀八分十九年安設站馬二十五匹後奉文停止九匹實在站馬十六匹馬夫八名照原額十分裁四每馬一匹日支料草銀六分馬夫日支工食銀四分八釐二十年奉文准復二分每馬日支草料銀八分馬夫日支工食銀六分四釐康熙二十一年奉文裁去所增外仍照原額畱站馬十二匹馬夫六名三十三年奉文照安徽例每馬一匹日支料草銀六分馬夫日支銀四分八釐槓夫

十六名每名日支工食銀二分二十三年奉文照安徽例每名日支工食銀一分二釐以上每年按季赴按察司承領支給四十一年調馬六匹馬夫三名安設南路驛站實在馬六匹歲支草料銀一百二十七兩四錢四分馬夫三名歲支工食銀五十兩九錢七分六釐雍正六年奉文調赴日地協站馬二匹夫一名歲支草料工食每年由地丁內扣畱申解歸欵珠江驛只存驛馬四匹歲支草料銀八十四兩九錢六分馬夫二名歲支工食銀五兩六錢八分每年夏秋

資州直隸州志

卷十二

武備志

資州

驛傳

七

二季買補馬價銀十六兩棚廠鋤槽歲支銀八兩五錢二分乾隆六十年因秀山邪匪滋擾除原額驛馬外珠江驛雙石舖金帶舖金紫舖銀山鎮並內屬之史家街共添設站馬五十匹馬夫五十名是年十二月二十八日奉總理軍需局林傳牌又加添正腰各站馬二十六匹馬夫二十六名在站伺候馳遞嘉慶二年十月十八日奉總理糧務傅牌賊匪現在營山一帶滋擾一切文報經由梁塾大道遞省無論正腰各站分別遠近再加添馬二十四匹馬夫二十名號書

一名四年四月賊匪由川西一帶滋擾奉文州屬正腰各站酌減裁撤馬二十匹夫二十名五年正月邪匪擾至遂寧安岳一帶所有文報一切俱由周理場蔡家場龍馬橋安設臺站每站安馬四匹馬夫四名是年四月稟請援照苗疆章程酌減添安馬十分之七於珠江驛正站添安馬十四匹馬夫七名金帶舖銀山鎮腰站添安馬各七匹馬夫各三名七年十月因文報稀少奉文裁撤正腰各站馬匹只存留站馬四十六匹馬夫四十六名以供馳遞九年四月奉文

資州直隸州志

卷十二

武備志

資州

驛傳

八

於四十六匹之內再行裁減三十匹除驛馬之外酌留站馬十六匹分安正腰各站馬夫十六名以慎郵傳而節糜費是年七月查辦凱旋善後事宜文報較前緊急原安站馬不敷馳驟稟請於正腰各站另行分安馬十二匹馬夫十二名又於九月文報稍稀天氣漸涼稟請酌減馬六匹馬夫六名又於是年十二月奉文全數裁撤以節糜費因州屬路當孔道文報較他處稍繁上站金帶舖酌留站馬十匹下站銀山鎮酌留站馬五匹與資陽內江二邑接站合棚喂養

以資馳遞十年五月珠江驛安定驛馬四匹里馬十匹馬夫十二名金帶舖安馬九匹添馬夫一名銀山鎮安馬五匹添馬夫一名分撥經管十一年三月因閩省籌辦軍務文報較前加增稟請於金帶舖腰站添馬五匹銀山鎮添馬二匹本城號內毋庸加添足敷馳遞至十二年二月五月八月十三年正月隨安隨裁總期量事之繁減稟請添安裁撤是年五月因峩邊馬邊等猺夷滋事調兵征剿文報漸繁稟請酌添正腰三站馬三匹馬夫三名共馬九匹馬夫九名

資州直隸州志

卷十二

武備志

資州

驛傳

九

是年七月猺匪懾服加添之馬全行裁撤金帶舖存畱站馬十匹銀山鎮存畱站馬五匹本號存畱原額驛馬四匹里馬十匹至今並無加減歲支開銷草料驛馬四匹奉文調赴日地協站馬二匹共六匹馬夫三名每年由本州地丁內扣畱使用銀一百二十七兩四錢四分歲支馬夫銀八兩五錢二分照例買補馬價銀十六兩棚厰槽鋤銀八兩五錢二分係地丁扣除申解歸欸

資陽縣

南津驛棚廠在縣治東四十里站馬二匹馬夫一名下
全金帶舖站抵資州界六十里臨江寺棚廠在縣治
西上抵簡州界四十里馬二匹馬夫二名馬每匹日
支草料銀六分夫每名日支工食銀四分八釐

內江縣

安仁驛額設驛馬六匹每匹日支草料銀六分馬夫三
名每名日支工食銀四分八釐

仁壽井研二縣無驛

續增武備志

鋪遞

額設州屬上下九塘鋪司兵三十六名西僻路五塘鋪司兵十名每名月給工食銀五錢嘉慶五年奉文由地丁內扣留按月支給咸豐四年奉文全行裁汰

驛傳

咸豐六年軍務緊急雲貴文報改道由州驛馬不敷由昭化縣抽來馬七匹並前額設四匹共有驛

資州直隸州志

卷十二

武備志鋪遞驛傳

二十一

馬十一匹